

110 **DOMINICA TERTIA**

post Pascha, Iubilare. .I. Petri .II.

**Charissimi, Obsecro uos tanquam aduenas & peregrinos, abstinere uos a carnalibus desiderijs, quæ militant aduersus animam. Et reliqu.**

Hebr. 13

**P**ulchre satis admonet & exhortatur nos apostolus Petrus, fratres charissimi, ut audiuit in præfenti lectiõne dilectio uestra, **Obsecro (inquit) uos tanquam aduenas & peregrinos.** Aduenng nos sumus & peregrini, quã diu sumus in hac terra, ut Paulus apostolus ait: **Nõ em̃ habemus hic manentem ciuitatem, noster autem municipatus est in cælis.** Aduena enim uel peregrinus aut hospes, non cogitat quid in domo sit aliena. Sic & nos quantum possumus, domino largiente, ista omnino debemus despiciere, & de cælestibus meditari, unde in æternũ uiuere debeamus. **abstinere uos a carnalibus desiderijs.** Ideo a carnalibus bonũ est abstinere desiderijs, & cælestia semper desiderare, quæ nobiscum ualeant æternaliter permanere. Carnalia autem decipiunt, & ad perditionem perducunt permanentes in eis. Vnde & subditur, **quæ militant aduersus animam.** Semper nos carnalia trahere conantur ad inferna, quibus resistere om̃imodis debemus, & insistere bonis & iustis laboribus, in castitate & continentia, quibus & supplicia deuitemus, & præmia mereamur æterna. **Conuersationẽ uestram inter gentes habentes bonam,** ut exẽpla bona alijs ostendentes per operum bonorum consuetudinem, sicut

luminaria sitis lucentes in mundo. vt in eo quod detrectant de vobis tanquam de malefactoribus. Mali semper ac malevoli bonorum hominū facta bona detrahunt, & ad malam famam conātur euertere: metuentes ne mala eorū delectatio, ut usus pessimus in quo morantur ut pereant, bonorū aliorum factis destruat & publicetur. Sed nos hoc audientes, oportet multo instantius perseuerare in bonis operibus, ut etiam alij meliores saluentur, & isti inexcusabiles fiāt, si cōueri noluerint à malitia sua. Sequitur, et bonis operibus vos considerantes, glorificent deum in die visitationis. *Matt. 5.* Vt ipse dñs in euangelio docet: Sic luceat lux bonorum operum uestrorum coram hominibus, ut uos laudē ex eis nequaquā desideretis, & alij uidētes bona opera uestra, glorificent non uos, sed patrem uestrum qui in cælis est, qui in seruis suis tanta bona ad suorum etiam & aliorum querit salutē. Subiecti estote omnihumanæ creaturæ, propter deū. Omnibus hominibus honorem dare, unicuique secundum dignitatē suā, nō ppter terrena desideria, nec ppter humanæ laudis appetitum, nec propter turpis lucri questum, sed tñ propter deū, qui nos docet, dicēs: *Matt. 23.* Discite à me quia mitis sum & humilis corde, & inuenietis requiem animabus uestris. Et iterum: Omnis qui se humiliat propter dñm, exaltabit à domino. siue regi quasi præcellenti. quia princeps est populū. Cui & ipse dñs in euangelio honorem debitum reddere iubet, dicēs: Reddite ergo quæ sunt Cæsaris Cæsari, id est, debitum tributum & subiectionem obedientiæ cum fidelitate: & quæ sunt dei deo, fidē rectā, spem firmam, & charitatem perfectam. siue duci-

- Roms. 13.** bus, tanquā ab eo missis ad vindictam malefactorum. De quibus & Paulus ait: Omnis anima potestatis sublimioribus subdita sit. non est enim p̄tās nisi à deo. De eñ ministri sunt ad coercendam hoīm malitiā missi, ut qui sp̄te mala noluerit uitare, eorū timore uel inuitus uitet laudem uero bonorum. Similiter Paulus dicit: Vis p̄tatem nō time re: Bonū fac, & habebis laudē ex illa. Quia sic est uoluntas dei, ut benefaciētes obmutescere faciatis imprudentiū hominū ignorantia. ] Ut tam cauti & tā perfecti in dei opere sitis, ut nihil habeant q̄d detrahare de uobis sc̄dm eorum malā uoluntatē habeāt, quasi liberi. ab omī peccato, per ueram penitentiam & confessionem purā, et non quasi uelamen habētes malitiæ libertatē. Nulla fraus, nulla malitia sit in uobis, sed deo quasi dño digne iustis & sanctis opibus, cū omni fide & uoluntate deseruere cōtendite, sicut serui dei, cū charitate in inuicem om̄ibus, p̄pter deum debitū impendite seruitium. Om̄es honorate sc̄dm uniuscuiusq; dignitatem, tñ pauperibus & minime ualentibus studium maximū impendite seruiendi: quia in ipsis Christus maxime honoratur, ut ipse in iudicio dicturus erit: Quod uni ex minimis meis fecistis, mihi fecistis. Nā sequitur, fraternitatem diligite. Ut ipse dñs in euangelio oēs fratres & proximos esse ostendit, dicē: **Johan. 15.** Om̄es enim uos fratres estis. unde & diligere nos in uicem iubet, cum ait: Hec mando uobis ut diligatis inuicem. Et Iohannes: Qui fratrem suum quem uider, non diligit, deū quem non uidet, quō potest diligere? Quia nec deus uere sine pximo, nec proximus **Roma. 13.** uere diligitur sine deo. Et Paulus: Dilectio proximi

malū nō operatur. Plenitudo ergo legis, est dilectio. **Deum timete, regem honorificate.** Monet ergo congruū cunctis impendere honorē, & iuxta imperiū dñi, Cæsari quæ Cæsaris sunt, & deo reddere quæ dei sunt. Qui timet deum, facit bona: quia initiū sapiētiæ, timor dñi. De timore dñi omne bonū nascit, & p̄ timorē dñi omnis malitia hoīs euacuatur. Quia *Eccle. 17.* qui timet deū, diligenter se à peccatis custodit. Sic ergo timeamus deū, ut diligamus eū, quia perfecta est charitas, quæ foris mittit timorē seruilem. **Serui, subditi estote in omni timore dñis non tantū bonis & modestis, sed etiā dycolis.** Hæc est enim gratia in Christo Iesu dño nostro. ] Propter dei timorē pariter & amorē, dignū & iustū est unicuiq; homini, suo dño fideliter seruire, siue præsentibus, siue absentibus: quia quicquid hō boni fecerit propter deum, nihil perdit, quia ipse reddet unicuiq; scđm opera sua. Semper em̄ in uita hoīs finis quæritur, qualis sit extremo tēpore uitæ suæ: quia de fine suo unusquisq; aut iustificatur, aut condēnatur. Ideo instātissime bona quæ cœperit unusquisq;, perficere contēdat, ut perpetuam à dño mercedem accipiat, ipso largiēte, qui uiuit & regnat in secula seculorum, Amen.

**DOMINICA III.**

post pascha Iubilate. Iohan. XVI.

**In illo tempore Dixit Iesus discipulis suis: Modicum & iam nō uidebitis me, & iterum modicum & uidebitis me, quia uado ad patrem. Et reliqua,**